

16 Augustus 2012

Jaargang 5 – Uitgawe 28

In hierdie uitgawe

- Voorblad
- Beroepe en standplase
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za

VOORBLAD

Bybelse argeologie werp lig op die Bybel

Die oggend na paasfees, presies op dié dag, het hulle ongesuurde brood en gebraaide koring, van die opbrengs van die land, geëet. Daardie oggend toe hulle van die opbrengs van die land eet, het die manna weggebly; daar was nie weer manna vir die Israeliete nie... (Josua 5: 11-12)

Daar is talle verwysings na die gebruik van geroosterde of gebraaide koring in die historiese boeke van die Ou Testament. Maar niemand onder ons sou seker verwag om nog iets hiervan te sien nie!

Argeoloë wat opgrawings doen in die antieke stad Hasor in bo-Galilea het onlangs op 14 groot houers afgekom wat met geroosterde koring van ongeveer 3 300 jaar oud gevul was, dus kort voor die tyd van Israel se vestiging in die beloofde land (vgl die verwysings in Jos 11 en Rig 4, asook 1 Sam 12: 9, 1 Kon 9: 15 en 2 Kon 15: 29).

Dié kruike en inhoud dateer uit die laat-bronstyd, wat in Bybelse argeologie soms ook die Kanaänitiese periode genoem word. Hasor het sedert die middel-bronstyd vanaf ongeveer 1750 vC gefloreer. Daar is aanduidings dat die stad teen ongeveer 1200 vC verower en vernietig is, en daarna, in die Israëlitiese periode, weer opgebou en uitgebrei is totdat dit in 732 vC deur die Assiriërs vernietig en afgebrand is.

Argeoloë onder leiding van prof Yigael Yadin het gedurende die 1950's en 1960's op die terrein gewerk, en sedert 1990 word daar weer elke somer gewerk en 'n volgende deel van Tel Hasor (*tel* is die Hebreeuse woord vir ruïneheuvel bestaande uit verskeie bewoningslae uit verskillende tydperke) ontbloot. Navorsers is onder meer verstom oor die omvang en gevorderdheid van die stad se antieke waterstelsel.

Argeoloë wat in die Heilige Land opgrawings doen, se werk strek oor verskeie interessante periodes. Dit sluit die voorhistoriese periode in wat honderde duisende jare terug strek. Jerigo word as waarskynlik die oudste nedersetting ter wêreld beskou en is al 10 000 jaar gelede bewoon. Bybelse argeologie is veral geïnteresseerd in die Kanaänitiese-Filistynse periode, die tydperk van die koninkryke Israel en Juda, die ballingskapydperk en die tweede tempelperiode (tot ongeveer 70 nC).

Bybelse argeologie is saam met die Bybel die vernaamste bron vir die rekonstruksie van die geskiedenis van oud-Israel. Argeoloë ondersoek die fisiese oorblyfsels van antieke menslike bewoning soos geboue, gereedskap, wapens, en selfs kos. Daaruit word afleidings gemaak oor bevolkingsgetalle, bevolkingsverskuiwings, kontak met ander gemeenskappe, lewenstyl, ensovoorts. Die Bybelse argeoloog maak dus van dieselfde wetenskaplike metodes gebruik as enige ander argeoloog, en sy bevindings word voor die vakwetenskaplike plasing daarvan aan evaluering van vakgenote onderwerp.

Wanneer die resultaat van Bybelse argeologie met historiese verwysings in die Bybel verbind word, help dit om die konteks waarbinne die Bybel ontstaan het en oorgedra is, beter te verstaan. Bybelse argeologie herskryf nie die Bybel nie, dit belig bloot die konteks.

Teoloë, teologiestudente en lidmate wat al deelgeneem het aan argeologiese opgrawings in Israel, getuig gewoonlik daarvan as 'n vervullende ervaring wat hul perspektief verruim het.

Die oorlog in Irak sedert die Amerikaanse inval, wydverspreide konflik in die Midde-Ooste en die huidige burgeroorlog in Sirië, het argeologiese rampe tot gevolg. Unieke, onvervangbare historiese skatte word in die konflik vernietig of deur vernietiging bedreig – ja, selfs iets soos kosvoorrade wat 3 300 jaar se geskiedenis oorleef het en vandag vir ons iets van die leefwêreld van die Bybel wys.

**Herman Toerien (Gemeente Bloemfontein)
en dr Wouter van Wyk (SENTIK)**

Skakels

Webblad van die Hervormde Kerk www.nhka.org

Die Hervormer www.hervormer.co.za

e-Hervormer www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

BEROEPE EN STANDPLASE

Kontak die webbladredakteur, prof Ernest van Eck, by ernest.vaneck@up.ac.za om vakante standplase op die Kerk se amptelike webblad by www.nhka.org te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.

Beroep ontvang

- **Prop Elritia le Roux** na die Outjo/Otjiwarongo-kombinasie

Beroep aanvaar

- **Ds Pieter le Roux** van Heidelberg na Vaalharts



Prop Elritia le Roux Ds Pieter le Roux

PREDIKANTE EN GEMEENTES

Stuur asseblief berigte oor lief en leed aan produksie@nhk.co.za.



Ds Anneline Geyer-Matthysen
en Marius Coetzee

- **Ds Anneline Geyer-Matthysen** van **Gemeente Kempton Park-Oos** en mnr Marius Coetzee is op Sondag 12 Augustus tydens die oggenderediens in die eg verbind deur dr Christo van der Merwe. Ds Annelie sal voortaan haar nooiensvan, Geyer, gebruik. Ons bid die egpaar 'n lang en geseënde huwelik toe.

- **Ds Gerhard Stoltz**, sekretaris van die Algemene Diakensvergadering (ADV), het longontsteking en is dus tans nie op kantoor nie. Ons wens hom spoedige herstel toe.



Ds Gerhard Stoltz Dr Gert Malan

- **Dr Gert Malan** van **Gemeente Mosselbaai** het op Maandag 6 Augustus **Paraguay** toe vertrek vir die jaarlikse besoek aan die lidmate daar. Hy keer weer op 3 September terug. Die besoek bestaan uit eredienste op verskillende plekke elke Sondag, wat gewoonlik gepaardgaan met Nagmaalbediening. Daar is al tydens besoeke in die verlede kinders gedoop, lidmate het belydenis van geloof afgelê en verlede jaar is 'n huwelik bevestig. Daar sal waarskynlik vanjaar weer 'n jong lidmaat belydenis van geloof aflê. Tydens die besoek word intensief huisbesoek gedoen by elke gesin. Saans word Bybelstudie gehou sodat die bietjie tyd tydens die besoek voluit benut word – dit is die enigste keer per jaar dat die Afrikaanse lidmate in Paraguay besoek word en 'n erediens deur een van die predikante van ons Kerk kan bywoon. Daar word met elke besoek kerklike tydskrifte saamgeneem, asook CD's en DVD's met preke en erediensopnames.

- **Die Huis van oud-Voortrekkermanne** benodig die name en adresse van almal wat inwoners van Voortrekkertehuis was ten einde die **adreslys op te dateer**. Stuur asseblief jul eie name, telefoonnommers, adresse en e-posadresse asook dié van enige ander oud-Voortrekkerman wat jy ken aan Marié van Niekerk by marie@nhk.co.za of Posbus 2368, Pretoria 0001; tel 012 322 8885 x254.

- **Borg kilometers en help ons bejaardes**. Mev Magda van Deventer (redakteur van die ADV se bylaag in *Konteks*) en 'n stapmaat, Avrienne Maritz, stap in September 200 km van 'n pelgrimsroete, die Camino de Santiago in Spanje. Deur middel van borgskappe per kilometer gaan hulle geld insamel vir die **Aksiegroep vir Bejaardes (AGB) van die ADV**. Skakel die ADV se kantoor by 012 322 8885 x221, of stuur 'n e-pos aan Sonet Esterhuizen by diens@diakens.co.za en laat u borgskap aanteken. Meer inligting is beskikbaar op die diakens se webwerf by www.diakens.co.za.

- **Bejaardes en gestremde persone in Pretoria**: Munisipale korting word toegestaan deur die *City of Tshwane*. Gaan na www.diakens.co.za en kyk regs



by 'Warm brood' vir die aansoekvorm. Indien u probleme ondervind om toegang tot die aansoekvorm te verkry, kan u in verbinding tree met die sekretaris van die ADV, ds Gerhard Stoltz, by gerhard@diakens.co.za.

- Talle van ons Kerk se emeriti wil graag die kerklike tydskrifte (*Konteks* en *Die Hervormer*) en die *Almanak/Bybelse Dagboek* ontvang maar kan dit nie bekostig nie. Lesers wat bereid is om 'n **bydrae** te maak sodat die publikasies gratis aan emeriti voorsien kan word, kan hul bydrae inbetaal by die volgende bankrekening: Raad van Finansies, ABSA, tjekrekening nommer 020-000-287, takkode 632-005; verwysing SENTIK-EM.
- **Preekbeurt in Dullstroom.** Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of [nhkdullstroom@yahoo.com](mailto:nhkDullstroom@yahoo.com).

Spesiale eredienste en feesnaweke

- **Gemeente Piet Retief: Eeufeestvieringe**
Vrydag 17 tot Sondag 19 Augustus
Vrydagaand: Dankdiens
Saterdag: Outydse basaar soos 'n eeu gelede
Tema: *Die vier ou provinsies (Kaaip, Natal, Transvaal en Vrystaat)*
Tradisionele lekkernye en verskeie uitstallings uit die era
Saterdagmiddag: Voorbereidingsdiens
Sondag: Nagmaal op die outydse manier
Almal trek aan soos die mense van 'n eeu gelede
Na dankseggingdiens (nabetragting) 'n gesellige ete
Feesbundel word saamgestel om later te verskyn
Deel u ou foto's en staaltjies uit die verlede met ons vir opname in die bundel
Skakel Jan Venter by 082 925 3951
- **Gemeente Alberton-Wes: Sondag 19 Augustus om 09:00**
25-jaar-ampsjubileum van ds William Harmse
Gelukwense deur oudl Pieter de Bruyn namens Kommissie van die AKV
Navrae aan mev Wilma Meyer by 082 785 9972
- **Gemeente Sannieshof: Op uitnodiging**
Geloof-in-aksie Motorfietsbediening van Gemeente Randburg
Naweek van 1 en 2 September
Ter ondersteuning van Sannieshof se basaar (sien bladsy 10)
Sondag 2 September se erediens gelei deur ds CJ van Wyk van Randburg
Navrae aan ds Paul Kern by 018 683 0051 of hartelus@yahoo.com
- **Gemeente Bosmansrust: Sondag 23 September om 11:00**
Dankfees en Nagmaal
Viering van 125ste bestaansjaar van gemeente
100-jaar-viering van kerkgebou
Alle oudpredikante, vorige lidmate en ander belangstellendes welkom
Ete na die diens
Antwoord asseblief voor 31 Augustus
Kontak Piet Marx by 082 708 6761 of pamarx@lantic.net
- **Gemeente Swartkop: Sondag 28 Oktober: Nagmaaldiens**
Herdenking van 40-jarige bestaan
Gelei deur ds David Barnard, lank predikant in die gemeente



Ds William Harmse



Oudpredikante sal die tafels bedien

Navrae aan Hannelie Beytell by 012 654 3471 of nhswkop@telkomsa.net

- **Gemeente Glencoe: Vrydag 7 Desember: Tyd later bekend**
Buitediens op walle van die Wasbankrivier, distrik Glencoe,
waar die Geloofte die eerste keer afgelê is
Kliplegging na die diens
Almal welkom
Bring 'n klip van jou omgewing saam met die naam van jou gemeente
Kontak ds Pieter Bester by 082 899 6564 / 034 212 1815
pieterbester@telkomsa.net

Predikanteverjaardae

- **Die volgende predikante verjaar tot 24 Augustus, en word hartlik geluk gewens.**
 - Vrydag 17 Augustus: Ds Douw Steyn (emeritus)
 - Saterdag 18 Augustus: Dr Gafie van Wyk (Kaapstad)
 - Sondag 19 Augustus: Di Berend Greyling (Grootfontein/Tsumeb),
Hennie la Grange (buiteland), John Putter
(Drie Riviere), Tharina Steenkamp
(Potchefstroom) en dr Christo Viljoen
(emeritus)
 - Maandag 20 Augustus: Ds Marike van der Merwe (beroepafwagting)
 - Dinsdag 21 Augustus: Ds Werner Mans (Turffontein)
 - Woensdag 22 Augustus: Ds William Harmse (Alberton-Wes)
 - Vrydag 24 Augustus: Prof Piet van der Merwe (emeritus)

Beplande vergaderings

- Dinsdag 21 Augustus: Stabilisasiefonds
- Woensdag 22 Augustus: Finkom van die Kinderhuise
- Donderdag 23 Augustus: TOIBO
- Vrydag 24 Augustus: Raad van Finansies
Finkom van die Ondersteuningsraad
- Woensdag 12 September: Predikantevergadering (te Swartkop)

Kursusse en toerusting

- **Gemeente Rooihuiskraal: Saterdag 25 Augustus 08:00 tot 13:00**
Bybelse perspektief op die huwelik en seksuele oriëntasie
Toegang gratis
Kom wandel saam in die Woord van God
Vind uit of ons vandag kan sê ons huwelik is Bybels
Ondersoek saam die sewe tekste in die Bybel wat handel oor homoseksualiteit
Wat staan daar, wat sê dit en wat kan ons daarvoor sê?
Spreker: Prof Ernest van Eck
Kerkgebou, hv Santie- en Konstantynstraat, The Reeds
Navrae aan Karen van Loggerenberg by 012 675 1281 of www.nhkrhk.co.cc
- **Gemeente Philadelphia: Vrydag 31 Augustus om 09:30**
Hervormde Tafelgesprek
Tema: *Die betekenis van die opstanding vir die prediking*
Prof Theuns Dreyer sal inleidende stellings voorsien wat bespreek sal word
Tafelgesprek is oop vir almal
Bevestig u teenwoordigheid by prof Lourens Steenkamp (082 874 5213)
of ds Etienne Fourie by egf@global.co.za



- **Gelowige Gesinne Gesprek (GGG): Naweekseminaar**
Vrydag 14 tot Sondag 16 September
Inisiatief van Kommissie van die AKV, gefasiliteer deur Gemeente Montana Kerkterrein, hv Azanza- en Jan Bantjesstraat, Montana
Tema: *Sagte-oë-ouerskap*
Ouerskap met 'n verskil: Hoe om jou kind emosioneel gesond te maak
Is jy 'n ouer, werk jy daagliks met kinders en ouers op terapeutiese vlak?
Is jy betrokke by ouer- en kinderbediening?
Kontak Esmé by Montana-kerkkantoor 012 567 1753
- **Gemeente Glencoe: Toerustingskursus: Saterdag 20 Oktober**
Op reis – 'n dienswerkreistas
Deur ds Hannes Janse van Rensburg van Zuurfontein
Registrasie 08:00, kursus begin om 09:00
Koste R60
Kontak ds Pieter Bester by 082 899 6564 / 034 212 1815
pieterbester@telkomsa.net
- **Gemeente Pretoria: Woensdag 31 Oktober**
39ste Kongres van die Kerkhistoriese Genootskap
Tema: *Die Godsbegrip – Reformatoriese perspektiewe*
09:00-09:15: Opening deur prof SJ Botha
09:15-09:45: 'Die eerste gebod en die God van die eerste gebod' met verwysing na Phillipus Melancton en Zacharias Ursinus – prof IWC van Wyk (AIM)
09:45-10:00: Bespreking
10:00-10:20: Koffie en tee
10:20-10:45: Orreluitvoering
10:45-11:15: *Die Godsbegrip soos dit deur die Heidelbergse Kategismus begrond en bely word* – prof CFC Coetzee (Noordwes-Universiteit)
11:15-11:30: Bespreking
11:30-12:00: Ledevergadering
12:00: Afsluiting
Besoek ook uitstalling van besondere gedenkpenninge en historiese munte
Word gewoonlik in kluis bewaar, maar kan op dié dag, *Hervormingsdag*, voor die kongres en tydens pouse besigtig word
Navrae aan dr JMG Storm (083 308 1030 / nhmeyerspark@lantic.net)
of dr Christo Pretorius (083 651 9634 / praetorc@telkomsa.net)

Toegepaste beradingskole vir leraars en teologiestudente

Bruikbare beradingsopleiding en praktiese ervaring wat 'n brug bou tussen teologiese teorie en die bedieningspraktyk waar sorg, ondersteuning en berading van gemeentelede deurslaggewend is.

'n Verskeidenheid beradingstemas word gedek in 'n diverse kulturele konteks soos wat dit van toepassing is op u pastorale pligte. Daar is ruim geleentheid om vaardighede prakties te oefen in 'n geborge, uitdagende en werklike situasie. VBO-punte word toegeken.

Pretoria 10-13 September 2012
contact@acdisa.org vir meer inligting

Aangebied deur die Applied Counselling & Development Institute of SA
se gesertifiseerde pastorale en sielkundige beraders en traumapraktisyne.



Beskikbare behuising

- **Ons Tuis (Riviera)**
Tehuis vir versorging van verswakte bejaardes het tans plek beskikbaar
Volledige versorgingsfasiliteit wat insluit:
 - o 24-uur mediese versorging



- o 3 maaltye per dag
- o Sekuriteit
- o Gereelde sosiale aktiwiteite

Vir meer besonderhede, skakel matrone E Mans by 012 329 3623

Aansoekvorms kan afgetrek word van www.otmt.org

of kontak H Fourie by 012 325 1857 om aansoekvorms te stuur

- **Andries-Marié Oosthuizen Monumenttehuis (Parys)**

- **Behuising vir seniorburgers**

Daar is tans die volgende behuising beskikbaar:

- **MET VERSORGING**

1 dubbelkamer (verkieslik 'n egpaar) – 24-uur-versorging

Koste per persoon R5 500 per maand

(sluit in 3 etes per dag, wasgoed en kamer skoonmaak), opnamefooi R3 000

- **SELFVERSORGING**

- o A-gang: 1 enkelkamer, R3 050 per maand
(ingesluit 3 etes, wasgoed en kamer skoonmaak 1 x per week)
- o B-gang: 1 dubbelkamer (egpaar) – R3 050 per persoon
(ingesluit 3 etes, wasgoed en skoonmaak van kamer 1 x per week)
- o H-gang: 1 ruim kamer met eie badkamer, stoepie en tuintjie
(ingesluit middagetete) – R3 000 per maand

Eenmalige opnamefooi van R3 000

Ondersteunende dienste beskikbaar

Kontak matrone Alet Botha by 056 811 2185 vir meer besonderhede

Konserte en feeste

- **Saterdag 18 Augustus: NHSV Leeudoringstad: Oggendtee met 'n verskil**
Smaaklike sjampanje-ontbyt
Tema: *Titanic*
Kontak Corrie Marais by 082 374 6026 of corriem@suidwes.co.za
- **Saterdag 18 Augustus: NHSV Swaruggens: Damesoggend**
Geniet 'n sprankeloggend en kry nuwe visie, hoop en lewe
Gretha Wiid met *Eva se Iyf* en gasverskyning deur Qualitrio-manne
NHK Kerkzaal Swaruggens om 10:00
Verversings is ingesluit
Uitstallers reeds van 09:00 af
R100 per persoon
Kontak Erica by 082 924 6099
- **Vrydagaand 24 Augustus: Gemeente Bronkhorstspuit**
Sorina "die Flooze"
In kerkzaal 18:30 vir 19:00
R100 per persoon, R50 vir laerskoolkinders
Navrae aan Alta Bester by 082 936 5289
- **Sondag 26 Augustus om 15:00: Gemeente Vereeniging**
Tienie van Wyk Koorfees
Met Albertonse Mannekoor, AKApêlle en Christina van der Bijl
R40 per persoon
Navrae aan 016 422 0172 of pbboshoff@telkomsa.net
- **Vrydag 31 Augustus: Gemeente Rustenburg-Suid: Konkakonsert**
Bok van Blerk (On)Bpk
Kockstraat 153, op gemeenteterrein
R100 vir volwassenes, R40 vir laerskoolkinders
Kuier rondom die konkavuur onder die sterre, en luister na sy stem
Hekke stiptelik om 17:00 oop, ook kaartjies by hekke beskikbaar



Bring net jou eie stoel
Kaartjies beskikbaar by Pen en Ink (Square Spar),
Rustenburg Factory Deli (hv Beyers Naude en Zendelingstraat)
of skakel die Deli by 014 592 4716 of die kerkkantoor by 014 592 2364
of Frikkie Krüger by 082 445 4336

- **30 Augustus tot 8 September: Gemeente Delmas**
Jerusalem, Jerusalem!
Interkerklike opvoering
By NG gemeente Delmas-Wes
Vir meer inligting, kontak Martin Rossouw by 082 410 1936
- **Saterdag 8 September: Gemeente Glencoe: Klavierkonsert**
Rocco de Villiers
18:00 vir 18:30
Laerskool Glencoe
Volwassenes: R100
Kinders onder 12: R50
Iets te ete en drinke sal aangebied word
Kontak ds Pieter Bester by 082 899 6564 / 034 212 1815
pieterbester@telkomsa.net

Sportbyeenkomste

- **Saterdag 25 Augustus: Gemeente Sionspoort**
Randfontein EPR-fietswedren
120 of 58 km (pad) en 55 of 30 km (bergfiets)
Spring weg en eindig by Tarlton-renbaan
Laai 'n inskrywingsvorm af by www.sionspoort.org
of skryf aanlyn in by www.cyclelab.com
Kontak Johan van Staden by 082 464 1547

Kampe en toere

- **Toer op Bybelse voetspore...**
Egipte, Israel en Jordanië
4-18 Desember 2012
Kontak ds Hannes van der Merwe by 082 575 1979
of hannes@pretoriaoos.com vir meer inligting

Kompetisies en fondsinsamelings

- **Gemeente Witfield in Boksburg: Weners van Boogjagkompetisie**
1ste prys: Hennie Wiese (nommer 1599)
2de prys: Manie du Preez (nommer 1116)
3de prys: Johan van den Berg (nommer 1048)
Die gemeente wil graag al die deelnemers bedank. Sonder jul ondersteuning en deelname sou dit nie moontlik gewees het om 'n sukses van die fondsinsameling te maak nie! Baie geluk aan die weners! Dankie ook aan oudl Chaan en Tiaan Bezuidenhout van Nyalarus vir die pryse wat hulle geskenk het.
- **Gemeente Brits: Boufondsversoek**
Dra by tot die gemeente se boufonds
SMS **KERK** na **48716** en dra R10 by
Fondse word gebruik om die geboue te herstel
Meer as een SMS is baie welkom
Stuur asb ook aan ander!
Navrae aan ds Kobus Celliers by 012 252 0158



- **Gemeente Sasolburg-Suid: Vendusie
1 September stiptelik om 10:00**
In parkeerarea regoor Midas langs PicknPay-sentrum in die dorp
Van 'n skoenriem tot 'n dooie soldaat word opgeveil
Onder toesig van 'n afslaer van Lichtenburg
Reël vooraf om eie items te bring @ fooi van 15%
Navrae aan ds Lisa-Mari Swanepoel by 083 943 4561
of Elize by 083 412 5802
- **Gemeente Hartebeeshoek: Saterdag 8 September
Jaarlikse Lenteloop**
By Fonteinedal, Pretoria
Tema: *In sy voetspore*
Stap/draf begin stiptelik om 07:00, inskrywings vanaf 06:00
R20 vir 5 km, R40 vir 10 km, laerskoolkinders halfprys
Oud en jonk, stootwaentjies en honde – almal welkom
Te koop: vetkoeke, boereworsrolle, pannekoek, koffie, tee, cappuccino
Kontak Inus Botes by 082 908 2889 of Andries Nieuwoudt by 073 313 1220
- **Gemeente Hartebeeshoek: Fotokompetisie**
Tyd om kameras op te neem en te begin soek na *VOETE* en/of *SKOENE*
Tema: *In sy voetspore*
Reëls en voorwaardes geld
Goeie pryse met professionele beoordeling
Kontak Theresa Oosthuizen by theresa@northernfoods.co.za
- **Gemeente Leeudoringstad: Kompetisie om Doringfees bekend te stel**
Pakkette beskikbaar, ook aan gemeentes
R1 000: 20 boekies ter waarde van R10 000
(gemeente kan dus R9 000 wins maak)
R2 500: 50 boekies ter waarde van R25 000 (wins R22 500)
R5 000: 100 boekies ter waarde van R50 000 (wins R45 000)
Kaartjies slegs R50 elk – en 11de kaartjie in die boekie is gratis
Trekking Saterdag 29 September om 12:45
Kontak Berno Robinson by 082 395 9241

NHK Kampersrus Vakansiekompetisie

Trekking: 27 Oktober 2012
Wen 'n naweek ter waarde van R28 000
3 nagte se verblyf vir twee persone in die vyfster Kapama Lodge
(alle etes asook wildritte ingesluit)
Olifanritte, lugballonrit, spabehandeling in die hartjie van die Bosveld
'n Besoek aan die Cheetah-projek in Hoedspruit en R2 000 sakgeld
Kaartjies R100 elk
Navrae aan ds Marius Kramer by 083 310 6042
of by gemeentelike kerkkantoor kampersrus@nhk.co.za

Basaars en markte

- **Saterdag 25 Augustus om 09:00: Gemeente Glencoe: Basaar**
By Dundee Gedenksaal
Tema: *Country & Western*
Varsgebak, vleis, kos, pannekoek, poeding, groente, koeldrank, koektafel...
Nuu tot antiek, naaldwerk, kinderpartytjie...



Kontak ds Pieter Bester by 082 899 6564 / 034 212 1815
pieterbester@telkomsa.net

- **Vrydag 31 Augustus en Saterdag 1 September: Gemeente Tzaneen Karnaval**

Tema: *Koekeloer Wêreldtoer*

Vrydag vanaf 11:00

Kleurvolle kosstalletjies verteenwoordig verskillende lande
Gaskunstenaar Pieter Kotzé; volksdanse

Saterdag vanaf 08:00

Lekker plaasontbyt, SAVF-trompoppies, Mej Lentefees / Lenteknapie
Heerlike eetgoed, groente en vrugte, plante, handwerk, ens

Navrae aan nhkerktzn@mweb.co.za

of gemeentelike kerkkantoor by 015 307 4508



- **Saterdag 1 September: Gemeente Rustenburg-Suid Willerste Noordwestefees**

Tema: *Willerste Fees onder die reënboog*

Is daar 'n goudpot aan die einde van die reënboog?

Is oom Paul Kruger se miljoene iewers in Rustenburg begrawe?

Hope optredes, verskeidenheid produkte te koop, vermaak vir oud en jonk

Wen 'n 1-ons Goue Krugermunt ter waarde van R15 000-R18 000,

afhangende van die goudprys

Kockstr 153, op gemeenteterrein

Net 300 kaartjies teen R100 elk

Wees op 1 September om 12:00 by die reënboogstalletjie:

In een van 300 kolwyntjies (*cupcakes*) gaan die muntstuk versteek wees

Jy móét teenwoordig wees om die prys te ontvang!

Skakel 014 592 2364 vir inligting en kaartjies

- **Saterdag 1 September: Gemeente Mafeking: Flower Power Lentebasaar**

Op die kerkterrein

Wen pryse ter waarde van R10 000 – 'n bees/R4 000

of 2 nagte midweek vir 4 persone in houthuis in wildreservaat by Bloemhofdam

Om te kwalifiseer, maak donasie van R50 of veelvoude daarvan aan gemeente

Prystrekking op 1 September om 15:00

Navrae: Kallie Landsberg (079 893 9031) of Nelia Landsberg (083 665 6239)

- **Saterdag 1 September: Gemeente Ventersdorp: Basaar**

Vanaf 09:00

Kom geniet die plattelandse atmosfeer

Baie vleis en eetgoed

Navrae aan nhkven@lantic.net

Bokkefees

NHK MONTANA

hv Jan Bantjies- en Azanzastraat, Montana

2012

Kom geniet die dag saam met ons!!

7de Laan-akteurs "Oom Oubaas" en ander!!

Wildsgeregte, Biltong, Gebak, Vleis & wors, Pannekoek, Groente, Afval & Pap en nog baie meer!



Bokkefees Boogskiet

Boslaan-in-die-Stad-kompetisie
Pretboogskiet (vir Kinders - NASP)
Vermaak vir kinders



1 September vanaf 08:00

Kontak Esmé by 083 228 0075 of 012 567 1753



- Saterdag 1 September: Gemeente Sannieshof: Hoedit-my-tjomma-fees!**
 Kom kuier saam met ons en die Flooze, Sorina
 Bring jou rooi baadjie vir die Flooze-look-alike-kompetisie
 en wen R6 000 se pryse
 Met Geloof-in-Aksie Motorfietsbediening van Gemeente Randburg
 Is jy bang vir niks? Wen R2 000 in die *FEAR FACTOR!*
 Is jou goed met ysters? *Kom strip jou moer* en wen 'n Inverter sweismasjien
 en 3 gereedskapstelle
 Van voor af verlief? Wen 'n prinsessnit, 0.7b kar diamant van R15 000
 Vang regte vis, skiet met aartappels en wen R1 000
 Moenie jou koelboks vergeet nie vir goedkoop kwaliteitvleis
 Toegang gratis
 Kontak ds Paul Kern by 082 494 5347
- Saterdag 8 September: Gemeente Bothaville: Kaboemieliefes**
 Met DJ Ossewa en Adele Botes
 Op die kerkterrein (Careystraat 39)
 Heerlike kos: braaivleis, potjiekos, roosterkoeke, sosaties, ens
 Kom geniet 'n heerlike plaasontbyt met lewer en pap
 Verfbal en Kinderland vir wonderlike vermaak
Groot pryse om te wen: 10 speenkalwers as 1ste prys (kaartjies R100)
 Uitstallers, vlooiemarkstalletjies, ou karre en ou trekkers
 Navrae by kerkkantoor 056 515 2673 of henniepretorius@lantic.net
- Vrydag 28 tot Sondag 30 September: Gemeente Zeerust
 Bosrumoer**
 By Doornrivier 4x4, Zeerust
 Kontak ds Barrie Oberholzer by 082 211 7926 of bosrumoer@gmail.com
<http://www.bosrumoer.co.za>
- Saterdag 29 September om 09:00: Gemeente Leeudoringstad
 Doringfees**
 Gaskunstenaar Sorina die Flooze
 Navrae aan gemeentelike kerkkantoor by 018 581 2055
 of nhkleutjies@nwet.co.za

ANDER NUUS

- **Die Ondersteuningsraad (OSR)** bied vanjaar weer vir minderbevoorregte tieners 'n kamp aan te Mooikrans Equus in Amersfoort, van Sondagoggend 30 September tot Vrydagmiddag 5 Oktober 2012. Die koste beloop **R850 per kind** wat die busvervoer, etes, aanbieding van die program, gebruik van toerusting, ensovoorts, insluit. Aangesien hulle nie vir hulself kan betaal nie, word fondse benodig om die kinders te borg. Persone wat 'n **kind wil borg of 'n donasie wil maak**, kan Suzanne van Deventer van die Pretoriakantoor kontak by 012 325 2320 of oraad@telkomsa.net. Die bankbesonderhede is soos volg:

Die Ondersteuningsraad
ABSA
Tjekrekening nommer: 000602795
Takkode: 323 345
Beskrywing: Kampfonds



- **Beeld-kinderfonds 2012.** Kaartjies vir die kompetisie om fondse vir die versorging van kinders in te samel, kos **R25** elk, waarvan R12,50 aan elke deelnemende welsynsorganisasie terugbetaal word. Onder andere 'n Peugeot 107, 'n seereis op MSC Sinfonia, 'n vakansie by Go Wild Resorts asook R50 000 in kontantpryse kan gewen word. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.

- **BYBELGENOOTSAP-PROJEKTE**

- **Saterdag 18 Augustus: Bybelstap van 5 km**
Al langs Durbanse strandgebied
R35, registrasie 08:00-09:15 by uShaka-parkeerarea B
Spring weg 09:30
- **Saterdag 25 Augustus: Straatkollektes**
Port Elizabeth en Uitenhage
- **Saterdag 1 September: Blomme-vir-die-Woord-fees en Lentetee**
Bybelhuis, Durban
R40 per persoon
Kom kyk en/of neem deel
- **Vrydag 7 September: Sakeontbyt**
Jeffreysbaai

Navrae oor bogenoemde aan biblia@biblesociety.co.za

- **Dinsdag 9 Oktober: Gholfdag**
Gelyktydige begin 11:00 te Serengeti-gholfklub
Betterball Stableford: R3 000 per 4-bal (sluit aandete in)
Kontak Jenene Bernhardt by 011 552 7208
of jenene@serengeti.co.za

- **LAPA Boeke-oggend**

Donderdag 23 Augustus 09:30 tot 13:00

Angel's Place Boutique Hotel
R140 per persoon – sluit in noenontbyt, geskenkbewys van LAPA, boekbesprekings deur Maritha Snyman, Deborah Steinmair, Japie Bogaards, Lili en Adeline Radloff en Nederlandse skrywer Ingrid van der Veken
Bespreek vooraf by Samantha Buitendach, 012 401 0700
of samantha@lapa.co.za

- **INTERNASIONALE KINDER- EN JEUGKONFERENSIE**

26-28 September

Fakulteit Teologie, NWU, Potchefstroom

Gerig op predikante, kategete, ouers en almal wat met kinders en die jeug werk





Verskeie gesamentlike en parallelle sessies

Wetenskaplike én meer populêre lesings

Sprekers: prof Malan Nel; Craig Groome; Marius Storm; Petra Kollege;
ongeveer 30 ander

Konferensiegangers is vir eie huisvesting verantwoordelik

Kry inligting oor gastehuse by

http://www.potchefstroom.co.za/accommodation/acc_guest_houses.html

Navrae aan dr Rudy Denton by 018 294 3509 of rudy@nhk.co.za

- **Beeld-kinderfonds Kerskonsert**

Woensdag 28 November

Moreletapark-gemeente

Juanita du Plessis, Manie Jackson, Joe Niemand, Nadine en ander

Bespreek by iTickets.co.za of per telefoon by 086 100 0291

- **ADVERTENSIES** waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die *e-Hervormer* geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasinge. **Die koste is R150 per plasing (BTW ingesluit).**

Die verskuldigde bedrag moet uitgemaak word aan:

Raad van Finansies

ABSA Bank

Tjekrekening nommer 020-000-287

Takkode 632-005

Verwysing: u naam + e-Hervormer Ads

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na www.nhka.org → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

Lidmate van gemeentes waar 'n kerkraad moontlik met meerderheidstem besluit het om kerklike eiendom te vervreem en andersins in stryd met die Kerkorde optree, se lidmaatskap van die Hervormde Kerk kan daardeur in die gedrang kom. Lidmate wat deel wil bly van die Nederduitsch Hervormde Kerk van Afrika, word versoek om op een van die volgende maniere met die Kerk kontak te maak:

- **SMS** jou naam, gemeente, kontaknommer en e-posadres na 074 406 6303 (slegs SMS'e, nie oproepe nie). Die Sinodale Kerkkantoor sal jou binne 7 dae kontak.
- **Telefonies:** Skakel mev Marié van Niekerk by 012 322 8885 x254.
- **Stuur 'n e-pos** na nhk@nhk.co.za.

- Kontak jou gemeente se konsulent, of 'n ander predikant in die ring. Hul inligting is op die Kerk se webblad beskikbaar by www.nhka.org (onder So werk ons / Predikante).

Die Kerk sal hierdie inligting met groot sensitiwiteit hanteer.

AGTERBLAD

Ons plek voor die Skeppergod

Die September 2012-uitgawe van *Konteks* sal volgende week beskikbaar wees.

In die Koninkryktyd besin ons oor ons plek in God se skepping. Ons praat en dink, filosofer en akademieseer vanuit ons eie beperkte menslike verwysingsraamwerk. Maar soos God self in die Godsrede in die boek Job aandui, is daar soveel in die natuur wat die mens met al sy wysheid, tegnologie en navorsing steeds nie kan kleinkry nie.

In die ADV-bylaag lees ons dat die Kommissie van die ADV vir die boekjaar 2011/2012 ongeveer 28% meer geld aan die verskillende diensorgane beskikbaar kon stel. In *Die Christelike Vrou* vier ons die naderende lente, en in die uithaalbylaag leer ons die gemeentes in die ring van Krugersdorp ken.

*** Individuele eksemplare van *Konteks* is beskikbaar teen R15 elk (posgeld uitgesluit). Kontak mev Susann van Zyl by 012 322 8885 x291 of sentik@nhk.co.za. Besoek die webwerf www.konteks.co.za en kry elke keer 'n oorsig oor wat in die nuutste beskikbare uitgawe verskyn.

